

G'IJDUVON TUMANLARARO  
IQTISODIY SUDI  
200501, Gijduvon tumani,  
Yu.Hamadoniy ko`chasi,54



GIJDUVAN INTER-DISTRICT  
ECONOMIC COURT  
54, Yu.Hamadoniy street,  
Gijduvan, 200501

Tel: (+99865) 572-23-39

e-mail: i.gijduvon@sud.uz

Ўзбекистон Республикаси номидан  
Х А Л Қ И Л У В Қ А Р О Р И

2022 йил **09 сентябр**

Гиждувон тумани

**4-2003-2202/1103-сонли иш**

Гиждувон туманлараро иқтисодий судининг судьяси Б.Т.Кенжаев раислигида, судья ёрдамчиси А.Шарифовнинг котиблигида, аризаچининг вакили **А.Бахриев** (№ 23-50292) 08.07.2022 йил ишончнома билан)лар иштирокида, аризаچи – **XXX**нинг, жавобгар – **«XXX» масъулияти чекланган жамиятига** нисбатан банклардаги ҳисобварақлар бўйича операцияларни ўн кундан кўп муддатга тўхтатиш тўғрисидаги аризаси бўйича қўзғатилган иқтисодий ишни **Гиждувон туманлараро иқтисодий суди** бинотида очик суд мажлисида кўриб чиқиб, қуйидагиларни

#### А Н И Қ Л А Д И :

Ўзбекистон Республикаси Солиқ кодексининг 81-моддасида солиқ тўловчининг ҳар бир солиқ тури ёки тўланган даромадлар бўйича ҳисоб-китобларни ва солиқ декларацияларини, шунингдек ҳисоб-китобларга ҳамда солиқ декларацияларига доир иловаларни ўз ичига оладиган, солиқ тўловчиларнинг ва солиқ агентларининг солиқ мажбуриятларини аниқлаш учун асос бўлиб хизмат қиладиган ҳужжатлари солиқ ҳисоботидир.

Солиқ ҳисоботи Ўзбекистон Республикаси Давлат солиқ кўмитаси томонидан Ўзбекистон Республикаси Молия вазирлиги билан келишилган ҳолда тасдиқланадиган шаклларда тузилади.

Солиқ ҳисоботи солиқ органларига шахс фақат солиқ тўловчи деб эътироф этиладиган солиқлар бўйича тақдим этилади.

Ушбу кодекснинг 82-моддаси 1-қисмида солиқ ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда ушбу Кодексга мувофиқ солиқ ҳисоботига илова қилиниши лозим бўлган ҳужжатлар билан бирга тақдим этилиши белгиланган.

Аниқланишича, солиқ тўловчи сифатида давлат рўйхатидан ўтган «XXX» масъулияти чекланган жамияти **солиқ** ҳисоботини белгиланган муддатларда тақдим этиши кўрсатилган бўлсада, солиқ ҳисоботларини солиқ органини тақдим этмаган.

Натижада, **XXX 2022 йил 28 июлда** хабарнома билан белгиланган солиқ ҳисоботларини ўз вақтида тақдим этиш бўйича хабарнома билан мурожаат қилган.

Жавобгар томонидан **2022 йил 31 августга қадар солиқ** ҳисоботини солиқ органига белгиланган муддатда тақдим этмаганлиги оқибатида солиқ органи томонидан **2022 йил 23 августда** солиқ тўловчининг банклардаги ҳисоб варақлари бўйича операцияларни 10 кунлик муддатда тўхтатиб туриш ҳақида қарор қабул қилинган ва солиқ тўловчининг шахсий кабинетига электрон тартиба юборилган.

Қарор ижроси бўйича ҳам солиқ ҳисоботларни солиқ органига тақдим этилмаганлиги оқибатида, аризаچи судга жавобгарга нисбатан ҳуқуқий таъсир чораси қўллаш тўғрисида ариза билан мурожаат қилган.

Суд мажлисида иштирок этган аризаси вакили арз қилинган қўллаб-қувватлаб, уни тўлиқ қаноатлантиришни сўради.



Суд мажлисининг вақти ва жойи тўғрисида тегишли тартибда хабардор қилинган жавобгар суд мажлиси муҳокамасида иштирок этмади, ариза юзасидан фикр билдирмади. Суд, Ўзбекистон Республикаси Иқтисодий процессуал кодексининг 170-моддасини қўллаб, ишни жавобгар вакили иштирокисиз кўришни лозим топади.

Суд, иш ҳужжатларини ўрганиб ва аризачи вакилининг тушунтиришларини эшитиб, куйидаги асосларга кўра, аризачининг аризасини қаноатлантиришни лозим топади.

Ўзбекистон Республикаси Солиқ кодексининг 111-моддаси 1-қисмида солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкинлиги кўрсатилган.

Иш суд мажлисида кўрилаётган кунга қадар, жавобгар «XXX» масъулияти чекланган жамияти томонидан **солиқ** ҳисоботлари 31 августга қадар тақдим этилмаган.

Ваҳоланки, Солиқ кодекси 273-моддасининг 1-қисмида солиқ тўловчилар, агар ушбу бобда бошқача қоида назарда тутилмаган бўлса, солиқ ҳисоботини ўзлари солиқ ҳисобида турган жойдаги солиқ органларига ўтган солиқ давридан кейинги ойнинг йигирманчи кунидан кечиктирилмаган муддатда тақдим этишлари шартлиги кўрсатилган.

Шунга асосан суд, жавобгарга нисбатан ҳисобот тақдим этгунга қадар банклардаги ҳисобварақлар бўйича операцияларни тўхтатиш туришни лозим топди.

Баён этилганларга асосан, Ўзбекистон Республикаси Иқтисодий процессуал кодексининг 118, 176, 179-моддаларини қўллаб суд,

### Қ А Р О Р   Қ И Л А Д И :

1. Арз қилинган талаб қаноатлантирилсин.
2. Жавобгар – «XXX» масъулияти чекланган жамиятининг банклардаги ҳисобварақлар бўйича операциялари (бюджет тўловлари, иш ҳақи, нафақалар, шунингдек, ишлаб чиқаришдаги бахтсиз ходиса оқибатида соғлиқ ва ҳаётга етказилган зарарни қоплаш учун маблағлар бериш ҳоллари бундан мустасно) **солиқ** ҳисоботларини тақдим этиш орқали ҳуқуқбузарлик бартараф этилгунга қадар тўхтатиб турилсин.
3. Жавобгар «XXX» масъулияти чекланган жамиятининг хизмат кўрсатувчи банкдаги ҳисоб-рақамлар бўйича операцияларни тўхтатиб туришга сабаб бўлган ҳолат тўлиқ бартараф этилгандан сўнг, **XXX** томонидан тақдим этиладиган ёзма кўрсатма (қарори)га асосан ҳисоб варақлари бўйича операциялар тиклансин.

Ҳал қилув қароридан норози тараф ўн кунлик муддат ичида шу суд орқали Бухоро вилоят судига апелляция тартибида шикоят беришга ёки прокурор протест келтиришга ҳақли.

Судья

Б.Кенжаев

